

Prvi zamjenik visokog predstavnika Gregorian sastao se sa premijerom Mujezinovićem kako bi razgovarali o neriješenim pitanjima



Prvi zamjenik visokog predstavnika, Raffi Gregorian, sastao se danas u Sarajevu sa premijerom Federacije BiH, Mustafom Mujezinovićem, kako bi razgovarali o rješavanju sljedeća tri ključna pitanja: nove prostorije za Ekonomski fakultet Univerziteta u Sarajevu, o novom Nacrtu zakona o unutrašnjim poslovima Federacije BiH i, po zahtjevu visokog predstavnika, o procjeni Vlade Federacije BiH o imovini koja je potrebna entitetu da bi ispunio svoje ustavne i zakonske obaveze.

Prvi zamjenik visokog predstavnika Gregorian pozdravio je činjenicu da je Vlada Federacije BiH na svojoj 128. sjednici pripremila Nacrt protokola o izgradnji novih prostorija za Ekonomski fakultet Univerziteta u Sarajevu, kao i Zaključak koji je usvojila Vlada Kantona Sarajevo i komentare Ekonomskog fakulteta o ovom pitanju.

“Ovo su krucijalni koraci ka vraćanju Pravoslavne bogoslovije njenim zakonitim vlasnicima”, rekao je prvi zamjenik visokog predstavnika Gregorian, te dodao da je vraćanje Pravoslavne bogoslovije primjer za rješavanje sličnih slučajeva dok BiH ne usvoji Zakon o restituciji. Prvi zamjenik visokog predstavnika Gregorian i premijer Mujezinović su razgovarali o mogućim

datumima za potpisivanje Protokola Vlade Federacije Bosne i Hercegovine.

Pozivajući Vladu FBiH da ukloni prepreke za razmatranje dugoočekivanog novog Nacrta zakona o unutrašnjim poslovima FBiH, prvi zamjenik visokog predstavnika Gregorian konstatirao je da bi novi prijedlog trebao jasno uspostaviti operativnu i budžetsku nezavisnost policije od ministarstva, kao mjeru potrebnu za sprečavanje neprikladnog političkog uticaja. Prvi zamjenik visokog predstavnika Gregorian je istakao da zakoni vezani za policiju na državnom nivou i u Distriktu Brčko već imaju takve odredbe.

«Zakon o unutrašnjim poslovima FBiH trenutno je zastario i mora se ažurirati kako bi se odrazila trenutna operativna i budžetska nezavisnost koju policija FBiH već ima – nema mjesta za vraćanje na staro. Federaciji je potrebna moderna policija i moderni zakoni o policiji,» rekao je Gregorian i pozdravio opredjeljenje premijera Mujezinovića za vladavinu zakona i shvatanje potrebe za donošenjem takvih zakona, koji po njemu također treba da osiguraju da policija bude u stanju odgovoriti na svaku potrebu.

Premijer Mujezinović obavijestio je prvog zamjenika visokog predstavnika Gregoriana o napretku koji je ostvarila Vlada FBiH u pogledu sastavljanja spiska imovine koja je potrebna FBiH kako bi ispunila svoje ustavne i zakonodavne obaveze u skladu sa programom «pet plus dva» koji je utvrdilo Vijeće za provedbu mira.

Sada kada je popis koji je sačinio OHR-ov tim dostavljen vlastima države, entiteta i Brčko Distrikta, prvi zamjenik visokog predstavnika Gregorian je konstatirao da Vijeće za provedbu mira očekuje da se isti upotrijebi kao osnov za razgovore koji će voditi do postizanja međuvladinog sporazuma u cilju rješavanja pitanja državne imovine.

Prvi zamjenik visokog predstavnika Gregorian je rekao da FBiH,

kao i država te vlade Brčko Distrikta i RS-a, treba da ostvare hitan napredak na sastavljanju spiskova imovine te je apelirao na premijera Mujezinovića da osigura da Vlada FBiH usvoji Odluku koja će inicirati procjenu imovinskih potreba FBiH.

«Ukoliko BiH želi da krene ka zatvaranju OHR-a i da se na taj način predstavi kao kredibilan kandidat Evropskoj uniji, onda se naponi na postizanju sporazuma o raspodjeli državne imovine moraju intenzivirati», izjavio je prvi zamjenik visokog predstavnika Gregorian.